



Adresa: **Ul. H. Čemerlića 39A**
71000 Sarajevo
<http://www.voda.ba>

tel. +387 33 726 413
fax. +387 33 726 423
e – mail: info@voda.ba

Broj: UP-1/21-3-40-089-5/23
Datum: 15.05.2023.

«Agencija za vodno područje rijeke Save» Sarajevo rješavajući po zahtjevu korisnika JKP „VILENICA” d.o.o. Novi Travnik za izdavanje vodne dozvole za zahvaćanje vode na izvorištu Lupežovac u svrhu vodoopskrbe pitkom vodom potrošača na području općine Novi Travnik, na osnovu člana 109. stav 1. točka 1. Zakona o vodama («Službene novine Federacije BiH», broj 70/06) i člana 200 stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola korisniku JKP „VILENICA” d.o.o. Novi Travnik, za zahvaćanje vode na izvorištu Lupežovac u svrhu osiguranja potrebnih količina vode za piće stanovništva i privrede općine Novi Travnik.
2. Vodozahvatna građevina (kaptaža) nije određena katastarskom česticom već se nalazi unutar I.b zaštitne zone, definirane koordinatama:

Oznaka točke	X	Y
I.b.1	6.471.793,65	4.878.611,63
I.b.2	6.471.783,06	4.878.415,84
I.b.3	6.472.584,63	4.878.230,63
I.b.4	6.472.367,67	4.883.921,07

s izdašnošću izvorišta od 20 l/s a za svrhu vodoopskrbe zahvaća se 10 l/s.

3. Vodna dozvola se daje na osnovu dostavljene dokumentacije, utvrđenog činjeničnog stanja i uz slijedeće uvjete:
 - 3.1 Da se vodozahvatni objekt održava u funkcionalnom stanju u skladu sa njegovom prirodom i namjenom, izdanim vodnim aktom i općim aktom o održavanju, korištenju i osmatranju vodnog objekta i postupanju u slučaju kvara ili havarije na objektu na osnovu člana 20. stav 4. Zakona o vodama i Pravilnikom o minimumu sadržaja općeg akta o održavanju, korištenju, promatranju vodnih objekata („Sl. novine Federacije BiH” broj: 97/19).
 - 3.2 Da se u cilju kontrole, evidencije i plaćanja količina zahvaćene vode vrši redovno mjerenje količina zahvaćene vode, a mjerni uređaj stalno održava u ispravnom stanju, odnosno redovno vrši baždarenje mjerača protoka u skladu sa propisima o mjernim uređajima. Mjerenje količina zahvaćene vode osigura atestiranim vodomjerima čije funkcioniranje i točnost se može jednostavno provjeriti. Evidenciju o mjerenjima zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode („Službene novine FBiH” br. 83/08).
 - 3.3 Korisnik predmetnog objekta je dužan osigurati stalni i sistemski pregled vode i poduzimati mjere za osiguranje zdravstveno ispravne vode za piće sukladno sa Pravilnikom o zdravstvenoj ispravnosti vode za piće („Službeni glasnik BiH”, 40/10, 43/10, 30/12 i 62/17), te osigurati tehničku ispravnost ugrađene opreme (crpke, vodomjeri, zatvarači, klorinator itd.).
 - 3.4 Kontrolu-ispitivanja kvaliteta vode za potrebe vodoopskrbe vodom za piće stanovništva mogu vršiti ovlaštene laboratorije, u skladu sa članom 48 stav 3. Zakona o vodama.

- 3.5 Ukoliko se u slučaju redovnih ili izvanrednih analiza i kontrola kvaliteta vode iz ovog vodovodnog sistema utvrdi da ista ne zadovoljava uvjete vode za piće propisane Pravilnikom o zdravstvenoj ispravnosti vode za piće, vodovodni sistem treba isključiti iz upotrebe odnosno blagovremeno, na adekvatan način, obavijestiti krajnje potrošače da voda nije za piće.
- 3.6 Da se vrši stalna dezinfekcija vode kloriranjem kao i kontrola rezidualnog klora u pitkoj vodi u gradskoj – distributivnoj mreži.
- 3.7 Da se uredno vodi dnevnik rada u koji će se unositi podaci o postupku klorinacije i potrošnje svih kemikalija, da se isti skladišti samo u prostoriji klorne stanice, te da se vrši redovna kontrola uskladištenih kemikalija i osiguraju svi potrebni uvjeti u cilju sprečavanja zagađenja površinskih i podzemnih voda uskladištenim materijama.
- 3.8 Korisnik je dužan vršiti redovitu kontrolu uskladištenih kemikalija i osigurati takve uvjete koji će spriječiti zagađenje površinskih i podzemnih voda uskladištenim materijama, odnosno, osigurati moguće isticanje hlora iz objekata i iz posuda, odgovarajućim tankvanama. Također je dužan osigurati adekvatan apsorber za prikupljanje kemikalija u slučaju incidentnog izlivanja.
- 3.9 U cilju utvrđivanja zone sanitarne zaštite i provođenja mjera zaštite izvorišta «Lupežovac», korisnik Vodne dozvole mora poduzeti sve neophodne aktivnosti u cilju provedbe Pravilnika o utvrđivanju uvjeta za određivanje zona sanitarne zaštite i zaštitnih mjera za izvorišta vode za javno vodoopskrbu («Službene novine Federacije BiH», broj 88/12), te se pridržavati svih odredaba spomenutog Pravilnika, donesenog od strane Federalnog ministarstva poljoprivrede, vodoprivrede i šumarstva.
- 3.10 Za vrijeme trajanja ovog rješenja za izgrađene objekte ishoditi upotrebnu dozvolu od nadležne institucije za sve objekte koje su u sustavu predmetnog vodosustava.
4. Ukoliko radom predmetnog objekta dođe do promjene režima voda, a te promjene prouzrokuju štete ma kakvog karaktera, korisnik je dužan uzroke štete otkloniti, a nastale štete nadoknaditi.
5. Korisnik objekata treba da u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode i podatke o tim mjerenjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170. stav (1) tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).
- 5.1 Vlasnik će plaćanje vodne naknade za iskorištavanje vode vršiti na osnovu utvrđene količine vode koju zahvata. Podatke o zahvaćenim količinama vode korisnik je dužan dostavljati u formi mjesečnog izvještaja na obrascu „ZV“ «Agenciji za vodno područje rijeke Save» Sarajevo.
- 5.2 Posebnu vodnu naknadu za korištenje površinskih i podzemnih voda korisnik će plaćati na osnovicu koju čini količina zahvaćene vode, o čemu je obavezan dostavljati mjesečni izvještaj ovoj Agenciji. Odluka o visini posebnih vodnih naknada („Sl. novine FBiH“ 46/07, 10/14 i 03/16) svojim članom II tačka 1 definiše visinu ove vrste naknada.
- Izgrađeni objekt se može koristiti samo u skladu sa njegovom namjenom prema projektnoj dokumentaciji i pribavljenim suglasnostima.
6. U periodu važenja ove dozvole korisnik iste je dužan provoditi sve mjere i aktivnosti propisane ovom dozvolom.
7. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog Rješenja.

8. Ovo Rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
9. Prava stečena na osnovu ove vodne dozvole ne mogu se prenositi na treća lica, a ista se mogu izmijeniti u zakonom propisanim slučajevima.
10. Korisnik vodne dozvole je dužan da prije isteka važnosti ove vodne dozvole podnese zahtjev za izdavanje nove vodne dozvole.

O b r a z l o ž e n j e

Svojim zahtjevom Javno poduzeće JKP „VILENICA“ d.o.o. Novi Travnik, podnijelo je ovoj Agenciji zahtjev za izdavanje Vodne dozvole za zahvaćanje vode na izvoru «Lupežovac» u cilju vodoopskrbe pitkom vodom potrošača na području općine Novi Travnik.

Uz zahtjev dostavljena je sljedeća dokumentacija:

- Ovjerena kopija Rješenja o registraciji, broj: 051-0-Reg-18-00044 od 05.07.2018., izdano od Općinskog suda u Travniku.
- Ovjerena kopija uvjerenja o poreznoj registraciji od 23.10.2013. izdana Kantonalnog poreznog ureda u Novom Travniku.
- Ovjerena kopija Uvjerenje o registraciji/upisu u Jedinostveni registar obveznika indirektnih poreza, broj:04/1-17-54-518-2/08 od 22.12.2008.god. izdano od Uprave za indirektno oporezivanje Banja Luka.
- Odluku o zaštiti izvorišta za piće „Lupežovac“ vodovodnog sistema Novi Travnik donesena od strane Općinskog vijeća Novi Travnik (Sl. glasnik općine Novi Travnik br. 1/12).
- Ugovor o koncesiji za korištenje vode za potrebe javnog vodoopskrbe naselja u općini Novi Travnik sklopljen s Ministarstvom poljoprivrede vodoprivrede i šumarstva.
- Izvještaj o ispitivanju vode za piće –izvor Lupežovac br.72973/23 od 14.03.2021., izdan od Instituta za zdravlje i sigurnost hrane –Zenica.
- Pravilnik o održavanju, korištenju i osmatranju vodoprivrednih objekata br.04/2012 od 28.8.2012..
- Elaborat zaštite izvorišta Lupežovac , izrađen od strane Higrakon d.o.o. Sarajevo iz 11/2011..
- Dokaz o uplaćenju upravnoj taksi i Zaključku o posebnim troškovima .

Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak vodozahvata na izvoru Lupežovac i tom prilikom je sačinjen zapisnik o uviđaju broj: UP-1/21-3-40-089-4/23 od 11.05.2023. u kojem je konstatirano sljedeće:

Izvorište Lupežovac zajedno sa izvorištem Dusina čini okosnicu snabdijevanja vodom općine Novi Travnik. Voda sa izvorišta se doprema transportnim, lijevano –željeznim cijevima promjera 150 mm u prvu rasteretnu komoru „Petaci“ u koju se doprema i voda s izvorišta Dusina. Prosječna izdašnost izvorišta je 20 l/s a zahvaćena količina vode u svrhu vodoopskrbe je 10 l/s. Voda sa izvorišta Lupežovac zahvata se putem sabirnog okna koji je podijeljen na dva dijela i to sabirnog bazena i zatvaračnice u kojoj su smještene armature, fazonski komadi odvodnog i ispusno-preljevnog cjevovoda. Odvodni cjevovod je promjera 150 mm, preljevni 250 mm a ispusni ili temeljni cjevovod 100 mm.

U Ib zaštitnoj zoni izvorišta obujma od 50 m nalazi se izvorište i kaptaža koja se sastoji od taložne komore, sabirne komore i komore za odvod viška vode. Ib vodozaštitna zona je ograđena s betonskim stupovima i bodljikavom žicom u obujmu od 50 m. U kaptažnom objektu ne vrši se dezinfekcija vode niti je dovedena el.energija do kaptaže jer se regulacija razine vode regulira pomoću mehaničkog upravljačkog mehanizama. Napajanje el.

energijom se vrši preko solarne ploče a u svrhu funkcioniranja alarm uređaja. Unutar granica utvrđenog slivnog područja nema zagađivača stalnog karaktera kao što su zanatski i industrijski pogoni, ne postoje stambeni objekti niti se vrši poljoprivredna obrada zemljišta kao ni sječa šume.

Dezinfekcija vode vrši se u III rasteretnoj komori.

Izvještaj o mikrobiološkoj analizi vode i Izvještaj o kemijsko-fizičkoj analizi izrađen od Instituta za zdravlje i sigurnost hrane -Zenica.

Poduzeće je pribavilo Elaborat zaštite izvorišta Lupežovac, izrađen od strane Higrakon d.o.o. Sarajevo iz 11/2011.

Za izvorište Lupežovac donesena je Odluku o zaštiti izvorišta za piće „Lupežovac“ vodovodnog sistema Novi Travnik od strane Općinskog vijeća Novi Travnik (Sl. glasnik općine Novi Travnik br. 1/12).

Ugovor o koncesiji za korištenje vode za potrebe javne vodoopskrbe naselja u općini Novi Travnik sklopljen s Ministarstvom poljoprivrede vodoprivrede i šumarstva

Točkom 5. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog a prema članu 17. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata „JKP „Vilenica“ d.o.o. N.Travnik, u točki 3. dispozitiva rješenja, propisani uvjeti korištenja objekata. Ispunio minimum uvjeta za izdavanje vodne dozvole za zahvaćanje vode na izvorištu „Lupežovac“ u cilju vodoopskrbe pitkom vodom potrošača na području općine Novi Travnik. Podnosilac zahtjeva, kao korisnik objekata obavezan je pridržavati se navedenih uslova, u skladu sa članovima 48., 64., 66. i 116. Zakona o vodama i članovima 13. i 14. Pravilnika o sadržaju, obliku i uslovima i načinu izdavanja i čuvanja vodnih akata.

Konstatira se da je podnosilac zahtjeva, „JKP „Vilenica“ d.o.o. N.Travnik, ispunio minimum uvjeta za izdavanje vodne dozvole za zahvat vode sa vodozahvata na „Oparac“ kapaciteta 20/10l/sec (izdašnost/zahvaćene količine), a u svrhu snabdijevanja pitkom vodom potrošača na području općine Novi Travnik te je riješeno kao u dispozitivu ovog Rješenja.

Pouka o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Marko Barić, dipl,ing.grad.

Po ovlaštenju
Rukovodilac Sektora za izdavanje vodnih akata
Ališehović Haris, dipl.inz.grad.



Dostaviti:

- JKP VILENICA d.o.o. Novi Travnik, ul. Kalinska bb, Novi Travnik
- AVP-ISV-Vodna knjiga
- Sektor 50
- Sektor 40, arhiva
- Oglasna ploča AVP SAVA